



## MINISTERIET FOR BØRN, LIGESTILLING, INTEGRATION OG SOCIALE FORHOLD

Meeqqanut, Naligiissitaanermut, Akuliutitaanermut Isumaginninnermullu

# Inatsisitigut ataataqanngitsut pisinnaatitaaffeqalerput

Inatsisikkut 1. juni 2014-imi inatsisitigut ataataqanngitsut ataataqarnerannut kingornussisussaanerannullu [i.l.i.](#) tunngasunik meeqqatut allatulli aappariinnerup avataatigut inunngorsimasut assigalugit pisinnaatitaaffeqalernissaat atuutilersinneqarpoq.

Inatsit tunngavigalugu inatsisitigut ataataqanngitsut makkuninnga pisinnaatitaaffeqarputit:

- Ataatat paasiumallugu ataatassarsiuinissaq piumasarinnaavat. Taamaaliorsinnaavutit ataatat kalaaliuppat qallunaajuppalluunniit imaluunniit nunami allamiuppat.
- Ataatat kinaasoq paasigukku ataatannit taassumalu ilaqutaanit kingorsisussanngussaait.
- Aamma ataatattut kinguliaquteqalersinnaavutit.

Ataatassarsiuisoqassasoq piumasarissagukku illit nunanni eqqartuussivimmut allagaqassaatit. Kina ataataginerlugu paaseqqaartariaqanngilat. Tamanna eqqartuussivimmit paasinarneqassaaq.

Inatsisitigut ataataqanngitsumut anaanaaguit aamma illit ataatassarsiuisoqassasoq piumasarinnaavat, paninnut erninnulluunniit kina ataataansoq qulakkeerumallugu. Taamaaliussaait eqqartuussivimmut allagaqarlutit, meerarisavit nunaanniittumi.

Ataatassarsiuineq, kingornussisussaaneq aamma kinguliaqut pillugu sukumiisumik [www.sm.dk](http://www.sm.dk)-mi paasinaasinnaavutit. Ujaarlerfissami "Arbejdsområder"-imi "Familieret" toqqaruk. Tulliullugu toqqassavat "Juridisk faderløse". Tamakkuninnga tunngasut niitartakkamissaq naalakkersuisut.gl-imi nanisnaavatit. Toqqassavatit Naalakkersuisut. Tulliullugu Naalakkersuisoqarfinni toqqagassaq una toqqassavat: Ilaqutariinnermut, Naligiissitaanermut, Isumaginninnermut aamma Inatsisinik atortitsinermut Naalakkersuisoqarfik

## Paasissutissat

Kalaallit Nunaanni inunngorsimaguit, ataataavillu kinaanera ulloq manna tikillugu paasiniarnissaanut pisinnaatitaaffeqarsimangikkuit, taava "inatsisitigut ataataqanngitsut" isigineqassaatit:

- 1. juni 1963-ip siornagut Kalaallit Nunaanni inunngorsimaguit, imaluunniit Avannaani Tunumiluunniit 1. juni 1974-ip siornagut inunngorsimaguit, inunngoravillu anaanat ataatallu katissimasimangippata
- 1. juni 1963-mi imaluunniit tamatumu kingornatigut Kalaallit Nunaanni inunngorsimaguit, imaluunniit Avannaani Tunumiluunniit 1. juni 1974-ip siornagut inunngorsimaguit, inunngoravillu anaanat ataatallu katissimasimangippata, ataatassarsiuinerlu eqqartuussivimmi aalajangerneqarmat angut angutilluunniit akilersuisussaasutut eqqartuunneqarsimappata.

Inatsit pineqartoq tassaavoq meeqqat inatsiseqartitaanerat aamma kingornussisarneq pillugu Kalaallit Nunaanni inatsisit allanngortinneqarnissaanik inatsit nr. 483, 22. maj 2014-meersoq.